



UNIVERSITÄTS-  
BIBLIOTHEK  
PADERBORN

## **Catena Temporum**

**Andrian, Carl**

**Herbipoli, 1698**

Series IV. Res supra naturam

---

[urn:nbn:de:hbz:466:1-65485](https://nbn-resolving.org/urn:nbn:de:hbz:466:1-65485)



☉ Ab an. 4000. ad 4053. ☉

Antigonus Aristobuli filius Judææ regnum petens rejicitur à Cæsare 4007. sed Parthorum ope Hierosolymâ potitur 4014 Hyrcanus captivus abducitur.

Herodes Hierosolymam expugnat 4017.

Eodemq; anno capite plectitur Antigonus Assamonæorum postremus.

Herodes regnum adulatione partum per scelera & cædes confirmat.

Bellum anceps contra Arabes gerit 4013.



## SERIES QUARTA.

Res supra Naturam post diluvium usque ad Christum natum.

☉ Ab anno mundi 1657. ad 2039. ☉

**I**ris à Deo statuitur fœderis inter se & homines pignus.

Superbis mortalium conatibus turrim ædificantium divinum Numen obsistit, repente una, quâ omnes utebantur, linguâ in duas & septuaginta, quot erant hominum familiæ, divinitus dispertitur.

Hebraica, quæ communis omnibus antea fuisse creditur, in Hebero mansit, à quo nomen accepit.

Ab



34 *Res supra Naturam post diluv.*

☉☉ *Ab anno 2039. ad 2300.* ☉☉

Deus Abrahamo felicem sobolem, possessionem Palæstinæ & Christum pollicetur.

Angeli Abrahamo prænuntiant incendium Sodomorum 2139. & igne cœlesti pereunt quinque urbes famosæ.

Eximitur Loth & uxor cum filiabus ab incendio.

Uxor Loth, quod contra Angeli educentis præceptum respexisset, in statuam salis est conversa.

Iacob Dei speciem videt in quiete, è summis scalis Christum pollicentis 2276.

☉☉ *Ab an. 2300. ad 2500.* ☉☉

Joseph ob divinam conijciendorum somniorum solertiam è carcere vocatur ad Imperium 2319.

Idem imminentem septem annorum fertilitatem, ac totidem sequentium sterilitatem ex Regis Ægyptii somnio præfagit 2319.

Jacobi in Ægypto soboles quamvis per labores opprimente Rege vegetior.

☉☉ *Ab an. 2500. ad 2600.* ☉☉

Prodigia à Mose patrata, vulgò decem plagæ Ægypti 2543.

Columna dux populi Hebræi.

Tran-



usq; ad Christum natum. 35

Transitus populi per mare rubrum ad  
virgæ Mosaicæ contactum divisum 2544.  
item Manna è cælo, aqua è rupe.

Chore, Datan, & Abiron Mosi & Aaro-  
ni obtrectantes, vasto terræ hiatus absor-  
bentur. Sol sistitur ad imperium Iosue 2584.

Hierichuntis muri concinentibus He-  
bræorum tubis concidunt 2584.

☉ Ab anno 2600. ad 2700. ☉

Cum tot præcedenti sæculo prodigia  
per Mosén & Iosue patrata fuissent, eaque  
adhuc à nepotibus passim celebrarentur,  
Israëlitæ novis ad asserendam religionis  
veritatem non indigebant; quare hinc for-  
tasse factum est, ut hoc ævo nullum conti-  
gisse memoretur.

☉ Ab anno 2700. ad 2800. ☉

Debbora accepto divinitus per Ange-  
lum mandate Baraccum ad bellum contra  
Madianitas vocat 2740.

Gedeon Angelo hortante Baalis idolum,  
& lucum evertit 3768.

Idem roris ac velleris miraculo confir-  
matus per viros 300. tubis ac lampadibus  
armatos Madianitas profligat 2768. hi  
enim pugnæ insolitâ specie turbati mutuâ  
se cæde conficiunt.

☉ Ab anno 2800. ad 2900. ☉

Angelus uxori Manue Samsonis ortum  
prænuñciat 2861. Sam-



36 *Res supra Naturam post diluv.*

Samson sitiens ex asini maxilla, quâ hostes trucidârat, fufis ad Deum precibus fontem elicit.

Idem receptis cum capillo viribus, domûs ejus, unde ludentem ipsum Philistæi spectabant, concussis contractisque columnis ædium ruinâ, victor hostium oppressus est.

☉ Ab anno 2900. ad 3000. ☉

Arca Dei apud hostes captiva ingentes hostium Diis, corporibus, agris, clades infert 2939.

Arca plastro imposita nullo rectore à bobus in fines Hebræorum devehitur 2940.

Bethsamitarum supra 50. millia divinitus pereunt, arcâ curiosius spectatâ.

Arca transfertur in Sion. Oza illam ausus contingere illico perit 2990.

☉ Ab anno 3000. ad 3100. ☉

Pestis divinitus immissa ob numeratum Davidis populum, Angelo gladium condente cessat 3017.

Salomon post oblatum Gabaone sacrificium à Deo sapientiam in somnis petit, & impetrat an 3022.

☉ Ab anno 3100. ad 3200. ☉

Elias prodigiis clarus à 3126. ad 3139: quo raptus est igneo curru.

Joram



usq; ad Christum natum: 37

Joram Rex Judæ litteras accipit ab Elia  
3147.

Elisæus duplici Eliæ spiritu auctus fluvium pallio scissum sicco vestigio transit. Viduæ oleum à Deo impetrat: Sunamitidis filium ad vitam revocat, aliisque miraculis fulget.

In piscis devorantis utero illæsus Jonas triduum agit 3168.

☉ ☉ Ab anno 3200. ad 3300. ☉ ☉

Mortuus in sepulchrum Elisæi coniectus ad vitam redit 3205.

Ozias Rex Sacerdotibus frustra reclamantibus thus incendit in templo, sed nequaquam impunè, leprâ enim divinitus affectus à sacerdotibus eijcitur 3214.

Visio mirabilis Isaiaæ Prophetæ, de qua ipse capite sexto 3277.

☉ ☉ Ab anno 3300. ad 3400. ☉ ☉

Ezechiam de vita producenda ex divino oraculo, quod Isaias pronuntiaverat, certum factura umbra decem in horologio lineas retrocedit 3322.

Sennacheribo Hierosolymam obsidente, unâ nocte cæduntur ab Angelo 85 Assyriorum millia 3322.

Senior Tobias Raphaëlis Archangeli beneficio cum filio reduce lumen recipit 3336.

D

Ab



38 *Res supra naturam post diluv.*

☉ *Ab anno 3400. ad 3500.* ☉

Daniel puer Susannam liberat 3438.

Tres pueri statuam Nabucodonosoris non adorantes conijciuntur in fornacem, sed flammæ intactos verentur 3456.

Daniel in leonum fossam dejectus, à Deo conservatur, & pascitur per Habacucum.

Nabucodonosor ferarum more degit in sylvis.

Balthasarem epulantem exarati cælesti manu Characteres terrent 3498.

☉ *Ab anno 3500. ad 3600.* ☉

Daniel objectus leonibus à Dario Me- do servatur intactus 3515.

Cyro à Daniele Isaiæ vaticinium ostenditur, quo plurimos ante annos prædixerat ille, futurum, ut Cyrus Babylone potitus Judæis Hierosolymam redeundi potestatem faceret; ille voti reus Judæos dimittit, & sacra vasa templo restituit 3516.

☉ *Ab anno 3600. ad 3700.* ☉

Sacerdotes ex B. bylonica servitute re- duces ignem sacrum quærentes, quem ip- sorum majores in sicci putei caverna oc- cultaverant, pro eo aquam crassam inve- niunt, quæ super victimas & ligna Nehe- miæ jussu aspersa, sole è nubibus refulgen- te in ignem convertitur, quo sacrificium ritè perficitur 3609.

Ab



usq; ad Christum natum. 39

☉ Ab an. 3700 ad an. 3800. ☉

Jaddus Alexandri Magni Hierosolymam properantis iram metuens, divinitus edocetur, illi cum sacerdotibus solenniori cultu ornatis, & populo candidato obviam procedere: Alexander venerabundus Pontificem adit, & divinum in Tiara nomen adoravit 3722.

Admirandus septuaginta interpretum consensus in Græca sacrorum librorum versione, quam Ptolomæus Philad: imperaverat, videtur divinitus contigisse.

☉ Ab anno 3800. ad 3900. ☉

Ptolomæus Philopator dum in adyta templi tentat irrumperc, divinitus coërcetur 3837.

Judæi ab eodem Ptolomæo elephantis obterendi exponuntur in hippodromo, sed Angelorum ope servantur 3838.

Heliodorus Hierosolym: templum expilaturus ab equite cœlesti terretur 3870.

☉ Ab anno 3900 ad 4000. ☉

Perpetuum & omnibus notum probati-  
cæ Piscinæ miraculum, quo aqua per An-  
gelum mota, primus è languentibus in eam  
descendens valetudinem recipiebat, us-  
que ad Christi tempora perdurasse constat  
è sacris litteris.

Joannem Hyrcanum divino instinctu fu-  
tura



tura quandoque prævidisse, narrat Josephus.

☉☉ Ab anno 4000. ad 4053. ☉☉

Pluribus prodigiis fuisse prænunciatum Deiparæ Virginis ortum docet communis Orthodoxorum consensus.

Angelus Joannis Baptistæ nativitatem Zachariæ thus in templo offerenti prænunciat 4052.

Archangelus Gabriel Mariæ V. Jesum ex ea intacta nasciturum annunciat 25. Martij 4053.

Judæi dæmones à corporibus obsessis pellebant: *liquet id ex 12. cap. Matthæi; idque per exorcismos è libris Salomonis de jumbros factum fuisse, opinatur Genebrardus.*



## SERIES QUINTA.

Monarchæ post diluvium usque ad Christum natum.

☉☉ Ab anno 1657 usq<sub>3</sub> ad 2039. ☉☉

**N**Emrodus Chami nepos, idem profanis scriptoribus Belus primus Babylone regnat 1879 per annos 65.

Ninus sive Assur fil. Nemrodi ad 1996 per an. 52. nomen hic dedit Assyriorum imperio.

Semi-